



TIMBALAN Naib Canselor (Penyelidikan dan Inovasi), Datuk Dr. Mustafa Mohd. Hanefah (dua dari kanan) melihat demonstrasi pemuliharaan buku pada sambutan Hari Buku Sedunia di Universiti Sains Islam Malaysia di Nilai, Negeri Sembilan, baru-baru ini.

USIM sambut Hari Buku Sedunia

SEREMBAN 23 Julai - Dalam usaha menyemarakkan budaya membaca dan memberi kesedaran tentang sambutan Hari Buku Sedunia, Universiti Sains Islam (USIM) turut tidak ketinggalan memeriahkan sambutan tersebut yang berlangsung pada 26 hingga 29 Mei lalu.

Mendapat kerjasama daripada Jabatan Perpustakaan dan Bahagian Penerbitan, penganjuran di peringkat universiti itu memberi peluang

kepada warga USIM dan pelajar sekolah untuk menyertai aktiviti pembudayaan ilmu bagi meningkatkan nilai intelektual.

Menurut Pengarah Program, Muhammad Hafizi Ahmad, penganjuran Sambutan Hari Buku Sedunia USIM itu turut dilakukan bersempena sambutan ulangtahun institut tersebut tahun ini.

"Tahun ini genap 15 tahun penubuhan USIM dan penganjuran

Hari Buku Sedunia USIM dirasakan sangat signifikan dan besar nilainya kepada warga universiti menerusi penganjuran program yang membudayakan ilmu berteraskan integriti ilmu Naqli dan Aqli.

"Pada sambutan itu turut diadakan pelancaran buku Perjalananku bersama al-Quran oleh Dr. Shafie Md. Amin yang dikendalikan oleh Galeri Ilmu Sdn. Bhd.," katanya dalam satu kenyataan, baru-baru ini.